



Broj predmeta: UP-I-KSI-09-08/25

Datum: 21.11.2025. godine

Na osnovu članova 25. i 33. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti u postupku utvrđivanja povrede odredaba Zakona o sprečavanju sukoba interesa u institucijama Brčko distrikta BiH, od strane T. R. iz Brčkog, ulica [REDACTED] savjetnik gradonačelnika Brčko distrikt Bosne i Hercegovine, kao nosioca javne funkcije, na 136. sjednici održanoj dana 21.11.2025. godine, donijela je

ZAKLJUČAK

Obustavlja se postupak protiv T. R. iz Brčkog, ulica [REDACTED], savjetnik gradonačelnika Brčko distrikta Bosne i Hercegovine, kao nosioca javne funkcije, pokrenut Zaključkom, broj: UP-I-KSI-09-08/25 od 29.10.2025. godine, radi sumnje na povredu člana 19. stav (1) i stav (2) tačka c) i člana 20. Zakona o sprečavanju sukoba interesa u institucijama Brčko distrikta Bosne i Hercegovine, koja bi proizilazila iz okolnosti da nosilac javne funkcije prilikom podnošenja Izvještaja o imovinskom stanju nije potpuno i tačno unijela podatke o pokretnim stvarima vrijednosti veće od 5.000,00 KM, odnosno neusklađenosti sa prikupljenim podacima od nadležnih organa i institucija za nosioca javne funkcije i članove porodičnog domaćinstva.

Образложење

Dana 29.10.2025. godine Komisija za odlučivanje o sukobu interesa (u daljnjem tekstu: Komisija) po službenoj dužnosti pokrenula je postupak Zaključkom, broj: UP-I-KSI-09-08/25, protiv T. R. iz Brčkog, savjetnika gradonačelnika Brčko distrikt Bosne i Hercegovine, kao nosioca javne funkcije, radi sumnje na povredu člana 19. stav (1) i stav (2) tačka c) i člana 20. Zakona o sprečavanju sukoba interesa u institucijama Brčko distrikta Bosne i Hercegovine koja proizilazi iz okolnosti da nosilac javne funkcije prilikom podnošenja Izvještaja o imovinskom stanju nije potpuno i tačno unijela podatke o pokretnim stvarima vrijednosti veće od 5.000,00 KM, odnosno neusklađenosti sa prikupljenim podacima od nadležnih organa i institucija za nosioca javne funkcije i članove porodičnog domaćinstva.

Nosilac javne funkcije je istim Zaključkom pozvana da Komisiji za odlučivanje o sukobu interesa dostavi Izjašnjenje u roku od 15 dana od dana dostavljanja Zaključka.

Dana 12.11.2025. godine, u zakonskom roku, Komisiji je dostavljeno pisano Izjašnjenje na Zaključak Komisije o pokretanju postupka, broj: UP-I-KSI-09-08/25 od 29.10.2025. godine, u kojem nosilac javne funkcije navodi da je predmetni automobil koji je vlasništvo oca nosioca javne funkcije nabavljeno po cijeni od tačno 5.000,00 KM, te je smatrala da isti ne spada pod

obavezu prijave. Nadalje, napominje da je vozilo kupljeno putem kreditnog zaduženja njenog oca, te da lično nema nikakav vlasnički, imovinski, korisnički niti drugi interes u vezi sa navedenom pokretnom imovinom. Takođe navodi da je postupala u uvjerenju da su svi podaci uneseni u skladu sa zakonskim propisima i uputama Komisije, te da Komisija obzirom na iznesene činjenice i priloženi dokaz u daljnjem postupku to cijeni u okviru savjesnog i zakonitog postupanja prilikom popunjavanja obrasca, imajući u vidu da je isto učinjeno u dobroj vjeri, u skladu s odredbama Zakona o sprečavanju sukoba interesa te postojanja ikakve namjere prikrivanja ili povrede zakonskih obaveza.

Kao dokaz navodima iz Izjašnjenja od 12.11.2025. godine, nosilac javne funkcije T. R. je dostavila fotokopiju fakture broj: [REDACTED] od 11.04.2024. godine za pokretnu imovinu automobil marke: „Volkswagen“, registarskih oznaka: [REDACTED] godina proizvodnje 2010., vlasništvo M. R., oca nosioca javne funkcije koja je bila predmet pokretanja postupka.

T. R. je Odlukom broj: [REDACTED] od 13.12.2024. godine, imenovana za savjetnika gradonačelnika Brčko distrikta Bosne i Hercegovine, te je shodno članu 2. Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisana u Registar javnih funkcija i nosilaca javnih funkcija.

Članom 22. Poslovnika o radu Komisije za odlučivanje o sukobu interesa propisano je da je nosilac javne funkcije stranka u postupku.

Članom 19. stav (1) Zakona propisano je da je nosilac javne funkcije dužan u roku od 30 (trideset) dana od dana stupanja na javnu funkciju, podnijeti Komisiji Izvještaj o imovinskom stanju, za sebe, bračnog i vanbračnog druga, djecu, druge članove porodičnog domaćinstva kao i lica prema kojima nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan, dok je stavom (2) istog člana propisano da Izvještaj sadrži: a) lične podatke nosioca javne funkcije i članova njegove uže porodice, uključujući JMB, podatke o funkciji koju nosilac javne funkcije obavlja; b) podatke o sadašnjim prihodima i izvorima prihoda, uključujući sve prihode, plate, dobit od imovine, uplate i druge zarade ostvarene u BiH i u inostranstvu u protekloj kalendarskoj godini; c) podatke o imovini, uključujući novac, račune u banci, poslovnu dokumentaciju, dionice, vrijednosne papire, obveznice, nepokretnu imovinu, stanarsko pravo i drugu imovinu i dobra u vrijednosti većoj od 5.000,00 KM, u BiH i inostranstvu; d) podatke o rashodima i drugim obavezama, uključujući sva dugovanja, obaveze, mjenice, kredite i jamstva za takve obaveze u BiH i inostranstvu.

Članom 20. stav (4) Zakona propisano je da se pod pokretnim stvarima veće vrijednosti smatraju vozila, plovila, zrakoplovi, radne mašine, lovačko oružje, umjetnine, nakit, drugi predmeti lične upotrebne vrijednosti, životinje i druge stečene pokretne stvari pojedinačne vrijednosti veće od 5.000,00 KM, osim predmeta domaćinstva i odjevnih predmeta.

Članom 23. stav (4) Zakona propisano je da Komisija za svaki podneseni Izvještaj o imovinskom stanju provodi redovnu provjeru. Redovna provjera predstavlja provjeru tačnosti i potpunosti podataka iz Izvještaja o imovinskom stanju upoređivanjem podataka s podacima o imovinskom stanju nosioca javne funkcije prikupljenim od organa, institucija i pravnih lica u zemlji i inostranstvu koji raspolažu informacijama, odnosno organa, institucija i pravnih lica koja vode evidencije o podacima, dok je istim članom stav (6) Zakona propisano da ukoliko se u postupku provjere tačnosti podataka utvrdi da nosilac javne funkcije nije naveo tačne i potpune podatke u Izvještaju o imovinskom stanju, Komisija pokreće postupak shodno članu 32. ovog Zakona.

Prilikom preduzimanja službenih radnji provjere podataka iz Izvještaja o imovinskom stanju i uvida u podneseni Izvještaj o imovinskom stanju nosioca javne funkcije na strani 8. uočeno je da T. R., između ostalog u rubriku "Podaci o pokretnim stvarima koji se upisuju u javni registar vrijednosti veće od 5.000,00 KM" nije navela putnički automobil marke „Volkswagen“, godina proizvodnje 2010., dok je iz dopisa dostavljenog od strane Odjeljenja za javni registar, Vlade Brčko distrikta BiH broj: [REDACTED] od 20.10.2025. godine vidljivo da M. R., otac nosioca javne funkcije posjeduje putnički automobil marke „Volkswagen“, registarskih oznaka: [REDACTED] godina proizvodnje 2010, te je shodno zakonskim odredbama, Komisija cijenila da u konkretnom slučaju postoji povreda člana 19. stav (1) i stav (2) tačka c) i člana 20. Zakona te da T. R. nije tačno i potpuno unijela podatke u Izvještaj o imovinskom stanju.

Shodno navedenom, Komisija je pokrenula postupak protiv T.R. savjetnik gradonačelnika Brčko distrikt Bosne i Hercegovine, kao nosioca javne funkcije, Zaključkom, broj: UP-I-KSI-09-08/25 od 29.10.2025. godine, radi sumnje na povredu člana 19. stav (1) i (2) tačka c) i člana 20. Zakona, zbog netačno i nepotpuno popunjenog Izvještaja o imovinskom stanju podnesenog Komisiji kao i prikupljenih podataka od strane nadležnih organa i institucija za nosioca javne funkcije i članove porodičnog domaćinstva.

Imajući u vidu da je T. R., nosilac javne funkcije, dostavila pisano Izjašnjenje na Zaključak o pokretanju postupka, broj: UP-I-KSI-09-08/25 od 29.10.2025. godine i da je kao dokaz priložila gore navedenu dokumentaciju u koju je Komisija izvršila uvid, te da je Komisija navedene materijalne dokaze cijenila kao istinite ocijenivši da se u konkretnom slučaju ne radi o pokretnoj stvari vrijednosti veće od 5.000,00 KM, te shodno navedenom dostavljenom dokazu, Komisija je isti cijenila kao dokaz koji je dovoljno pouzdan za obustavljanje postupka te shodno navedenom, odlučila je kao u dispozitivu Zaključka.

POUKA O PRAVNOM LIJEKU:

Saglasno odredbama člana 37. stav (1) Zakona, ova odluka je konačna u upravnom postupku i protiv iste nije dopuštena žalba, ali se može pokrenuti upravni spor u roku od 30 dana od dana dostavljanja odluke tužbom pred Osnovnim sudom Brčko distrikta Bosne i Hercegovine.

Predsjednik
Komisije za odlučivanje o sukobu interesa

Admira Mujić, dipl.pravnik

Dostaviti:

- T. R., ul. [REDACTED] Brčko,
- Internet stranica Komisije,
- Evidenciji,
- Arhivi.